



Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 6. Fertilitas terræ sanctæ ab Aristea prædicata.

[urn:nbn:de:hbz:466:1-52365](#)

§. VI.

*Fertilitas terræ sanctæ, ab Aristea
prædicata.*

Iosepho consentit antiquior author. Hecatæus, Alexandri Magni æqualis; qui testatur, optimæ terræ decies trecenta milia iugera Iudæos possedisse. Sed cōpiosius hanc glebæ felicitatē describit Aristæas, ipse, qui historiam de translatione Scripturæ, per septuaginta duos interpretes conscripsit; & illos ex Iudæa in Ægyptum, ad regem Philadelphum perduxit, ut proinde meritò, & huius calami authoritas sit magna. Sic scribit. *Regio eorum consistit eis arboribus oliuarum, & ferax omnis generis frumenti, & leguminum. Ad hæc vineis, & mellificio abundat. Palmæ verò, & alia frugiferæ arbores sunt innumerabiles, apud ipsos Item jumenta & pecora omnis generis multæ, & pascua uberrima. Præterea immensa copia aromatum, & lapidum pretiosorum, & auri importatur eò, per Arabes. Nam regio al cultum, & negotiationem est idonea, & cuncta abundat arcibus, nō deest ei quidquam eorum quæ mari aduehi solent, cùm habeat portus opportunus, qui abundè suppeditent res, & Aſalonæ, & Ioppæ, & Gaze, similiter etiam Ptolemaidei.*

maidis. In horum locorum quasi medio sita est ipsa ciuitas, per se ipsa abunde habens omnia; cum sit irrigua undique aquis, & ad magnam securitatem munita. Nam Iordanis fluuius ille perennis circumfluit ipsam, in se ab antiquo continentem non minus aruorum, quam sex millia myriadum. Deinde ex vicinia sexaginta myriades hominum in ipsam peruenierunt, qui singuli possessionem centum jugerum agri sunt consecuti. Fluvius autem, perinde, ut Nilus, circa tempus exundans, multum terra irrigat. Sic agros laudat Aristaeas, qui Iordane pretexuntur, & olim à Deo illis dati sunt, pro quibus religio, cultus diuinus, & virtus, æquitas, innocentia steterunt.

§. VII.

Fertilitas terre sanctæ à Brochardo narrata.

Sed addo his testem Brochardum, quem etiam Pererius tanto magis æstimat, quia non solum, ante trecentos annos, postquam Iudea sub imperium Saracenorum subjecta est, vixit; sed etiam totum decennium consumpsit in ea regione diligentissime perlustrâda. Is ergo Brochardus oculatus testis, terræ sanctæ nobilitatem his coloribus depictus. Non est credendum quibusdam contrarium nunciantibus; neq; enim ea diligenter

Benedict.
Perer in
c.3. Exod.
disp. II.

Brochard
in lib. de

Ff 3

confi-